

i2^r

Wir Ferdinand von Gots genaden/ Römifcher
 König/ zů allen zeytten merer des Reychs/ in Ger-
 manien/ zů Hungern vñ Beheym 7c. König/ Infant
 in Hilpanien/ Ertzhertzog zů Ofsterreych/ Hertzog zů
 Burgundi/ Steyer/ Kerndten/ Crain vnd Wirten-
 berg 7c Graffe zů Tyrol 7c Bekennen öffentlich
 mit difen brieff/ vnd thůn kund aller meniglich/ Als
 vns yetzo vnser vnd des Reichs lieber getrewer Jero-
 nymus Boner/ difer zeyt Schulthais zů Colmar/ vnderthenigkeit anzeygen
 vnd bitten hat laffen. Nach dem das bůch Plutarchus genant/ gemeinem nutz
 zů fürderung vñ gütem/ durch jne verteufcht/ den er auch also in den Truck zů
 bringen vnd öffentlich außgeen zůlaffen willens were/ vnd aber befragen müft/
 jme möchte daffelb transferiert bůch/ als bald von andern zů jrem felbs nutz vñ
 vorteyl nachgetruckt werden/ des im dann nit zů kleinem verluft vnd fchaden/
 raichen vnd kuñen würd: In eim folchen der notturft nach/ mit vnser gnad/
 hilff vnd fürderung/ genedigklich zů erfcheynen/ Das wir demnach folch demü-
 tig bitt/ lambt feiner verbrachten mühe vnnd arbeyt/ an bemelts bůchs ver-
 teufchung/ als ein gůt werck gelegt/ angefehen. Vnd darumb auß erzell-
 ten vrfachen/ in namen vñ von wegen der Römifchen Reyferlichen Maieftat/
 vnfers lieben brůdern vnd herrn/ gedachten Boner/ difes Priuilegium gegeben
 vnd verlyhen haben. Verleyhen vnd geben jme auch folchs hiemit wiffen-
 lich/ in krafft diß brieffs/ Also/ das er folch obangezeigt bůch/ im truck vollenden
 öffentlich außgeen vnd vertreyben laffen mag/ vnd jme daffelb in vier gantzen
 Jaren/ den nechften nach einander volgend/ niemants werder heimlich noch
 öffentlich nachtrucken/ noch auch also nachgetruckt/ verfůrt oder vmbgetragen
 noch verkaufft werden folle/ in kein weyß noch weg. Und darauff in namen
 vnd von wegen hochgedachter Keyferlicher Maieftat/ Gebieten wir allen vnd
 yegklichen/ vnser vnd des Reychs/ vñ für vns felbs/ aller vnserer Königreych/
 Fürftenthumb vnd Lande/ Obrigkeyten vnd Underthanen/ vnd in funderheit
 allen Bůchtruckern vnd Bůchfürern/ bey einer peen benentlich zehen Marck
 lőtigs golds/ halb in des Reychs Chamer/ vnd den andern halben teyl/ dem ob-
 genannten Jeronymus Boner/ vnnableßlich zůbezalen/ hiemit ernstlich vnd
 wölllen/ das fie den gerůrten verteufchten Plutarchum/ niemants in den be-
 ftimmbten vier Jaren/ weder heimlich noch öffentlich/ wie vorfteet/ nachtrucken/
 noch daffelbig bůch also nachgetruckt/ vmbzůtragen oder fayl zůhaben/ geftat-
 ten/ noch folchs felbs auch nit thůn/ in kein weyß/ als lieb einem yeden fey/ ge-
 dachter Keyferlichen Maieftat/ vnser vnd des Reychs vngnad vnd ftraff/ vnd
 darzů die beftimbt peen/ lambt verliering derfelben nachgetruckten bůcher/ fo
 benanter Boner/ wo er die ankuñen/ zů feinen handen bringen vnnd nehmen
 mag/ zů vermeyden/ Das meynen wir ernstlich. Mit verkund diß brieffs/
 Geben in vnserm Königlichen Schloß zů Prag/ den andern tag des Monats
 Januarij. Anno 7c. im vier vnd dreyffigften/ vnserer Reyche des Römifchen im
 dritten/ vnd der andern im achten.

Ferdinandus

Ad mandatu dñi
Regis propriū

ij

i3^v

DEm wolgebornen herrn: herrn Wilhelm
 Wernhern/ freyhern zû 3ymbern/ herren zû Wildenfeyn/
 Rô.Kai.Mai. 7c.vnfers aller gnedigften herrn Camergerich-
 tes beyfützern 7c. meynem in fonders gnedigen herrn/ Empeüt
 ich Hieronymus Boner/ Schultheiß zû Colmar/ mein vnder
 thenig/ alzeit bereit vnd gefliffen dinft/ Wolgeporner gnedi-
 ger herr/ Als ich zû verzucker zeit/ inn dem E. G. das Kaifer
 lich hoffrichter ampt/ zû Rotweyl/ ftathalterweiß/ loblich verfehen/ in gefcheff-
 ten meiner herrn zû Rotweil gewefen/ damaln meins befelchs gantz gnediglich
 gehört vnd gefördert/ Byn ich derzeit inn einem zweifel gefanden/ wellichem
 gefchlecht das fürftlich vnd herrlich wappen/ fo ich an dem hauß/ gegen dem ge-
 richthauß vber fteen/ gefehen/ zû gehören möcht: Inn dem ich aber auff meyn
 fleißige nachfrag/ das follichs E. G. vnd der Freyen herrn von 3ymbern/ ange-
 poren wappen fein foll/ erfahren/ Darneben/ das auch follichs vnd dergleichen/
 des künigreichs Nordtwegen wappen/ wie das die Denmarckifche künig/ noch
 zur zeit inn jrem quartierten wappen/ deßhalben ein auffrechten löwen/ mit ei-
 ner ftreitaxt in fein klowen haltend/ zû fürē wargenoñen/ hab ich nit gnüg ver-
 wunderen künden/ wie diß fo herzlich wappen/ vn̄ die Edlen Freyen herrn/ fo ferr
 herauff auffer Deñmarckt/ inn das Hochteütſch land vnd art/ darinnen ſie ye-
 tzund wonend/ von anfang koñen fein möchten/ Biß das ich den warhaftigen
 vnd treflichen gefchicht ſchreiber/ Plutarchum/ vorab inn dem leben C. Marij
 Nepotis/ vnd C. Julij Cefaris/ gelesen/ darauß ich warhaft anzeig vnd bericht
 genoñen/ das die Edlen und Freyen herrn vō 3ymbern/ eben der ſelbigen 3ym
 brifchen nachkoñen/ von wappen/ ftañen vnd namen/ müſſen gwefen feyn/ Die
 vngeferlich in dē jar als man zalt/ von der welt an/ fünff tauſent ſiben vnd ach-
 tzig/ Vo anfang der ſtat Rom/ ſechshunder vierzig/ Nach vertreibung jrer kü-
 nig/ drey hundert ſechs vnd neüntzig/ Jnn der hundertften ſiben vn̄ fechtzigften
 Olympifchen 3al. Vor der geburt Chrifti/ vnfers einigen feligmachers/ hundert
 vnd zwelff jar/ durch das Oceanifch vnd groß teütſch mör/ das mit einem grau-
 famen ſturmwind bewegt/ auffer dē Cymbrifchen Cherfonelus auß Deñmarck/
 fo man yetz vngeferlich das hertzogthumb Holfatie vn̄ Schleßwick nennet/ mit
 gewaltiger flüt vnd waffers/ auffer iren vätterlichē wonungen vn̄ fitzen/ vertri-
 ben/ vn getrungen/ das ſie mit ſampt iren künigen/ fürften/ weib vn̄ kinden/ an-
 der ſitz vnd wonungen ſüchen müſſen/ Darumb ſie dann erftlich in Galliam/ jetz
 Frankreich/ demnach ſampt den Hochteütſchen/ zürichern vnd anderen/ nach
 anzaig Pauli Orolij in Italien zogen/ da dann auch Cornelius Tacitus/ als er
 der Cymbrifchen gedenckt/ meldet/ das die ſelbigen durch jhr threwre ritterliche
 hand/ den Römern innerhalb zehen jaren/ vil mer ſchaden zūgefūgt/ dann die
 Samnyter/ Carthaginenſer/ Hiſpanier/ Gallier/ vnd Parthier. Wañ die frey-
 heit der Teütſchen/ ſpricht er/ iſt gar vil grimer/ dann das reich Arfacis oder der
 Parthier: Dann was mögen vns die Parthier mer auffrupffen (ſagt Tacitus
 als ein Römer) dann das ſie den hauptmann Craſſum/ ſampt ſeinem hör erſchla-
 gen/ Dargegē hat ſie vnſer hauptman Ventidius/ nit minder erpützt/ inen drey
 feltſchlachtē abgwnnen/ das gantz hör ſampt irem jungen künig Pacoro erſch-
 lagen. Die Cymbrifchen teütſchen aber/ haben vns erſchlagen/ C. Papirium
 Carbonem/ Lu. Caffium Longinum: M. Emilium/ Schaurum Hortenſium/
 Cu. Seruilium Cepionem/ vnnd C. Manilium Maximum/ die fünff burger-
 meiſter ſampt jren hören. Auch ſaget Antias/ das von zweyen Römifchen hören/
 Namliche/ achtzig tauſent ftreytpar/ vnd fechtzig tauſent gefünd vnd troffer/ nit
 mer daß zehen daruon koñen/ die diſe niderlag anzeigt: Deßgleichē ſchreibē auch
 Lutius

i3^r

Lutius Florus/ Suetonius/ P. Velleius Paterculus/ vnnnd fo vil mer/ wo der theuwer Hauptman der zeyt nit gelebt/ fo hetten die Cymbrifchen teutfchē/ den Rōmern jrs gewalts ein end gemacht/ der fie dann zů letft an dem ort Aquas Sextias/ yetz die ftat Aquenfis genant/ mit liften vñ manheit dermaffen erlegt/ dz jren nit vil vnerfchlägē vñ vngefangē/ daruon/ in die gegne E. G. herrfchafft kuñen/ fo damaln gantz rauhe weld vñ eynōde wildnuffen gewefen/ darin fie fich nider gelaffen/ der enden gereuttet/ Schloß/ Stet/ Flecken vnnnd velder gebawen/ für fich felbs ingehalten/ vonn niemant weder keyfern/ künigen noch fürften zů Lehen ye empfangen/ funder deren allein on alle gegen pflicht beftetigung erlangt. Dieweyl nun diß nichts anders dann gründlich warhafftig Hiftorien/ von den glaubwürdigté Griechifchen vñ Lateynifchen gefchicht fchreybern/ befchreybē/ auch die namen E. G. Schlōffer/ als Marfchalken Zymbern/ Antian Zymbern vnd dergleichen/ mit fambt dem namen vnd herlichen wappen/ nit allein ein ftarcke vermüttung/ funder vilfaltig vnnnd warhafft anzeyg vnd glauben machen/ das vonn den erfchlagen vberbribnen Cymbrifchen/ der fürften einer/ fambt denen die jm angehangē/ fich an beftimbter damal rauhen art nidergelaffen/ die E. G. vorfarn/ fambt dem angebornen herlichen wappen zů freyen herren vñ nachkuñenden gehabt/ nun mer biß in taufent fechs hundert viertzig vnd fünff Jar/ Vnd ich dañ der ding/ durch den hochgelerten mein günftig vñ gepietend herrn Doctorn Calpar/ des Keyferlichen Chambergerichts beyfützern/ etlicher maß bericht vnd befelch empfangen/ wo ich inn Hiftorien etwas von den Cymbrifchen befund/ E. G. zů gefallen außzůziehen.

Dieweil ich nun für mich felbs E. G. gern gedient/ vnd befunden/ das Plutarchus/ vorab in dem leben vnd gefchichten Marji/ am aller merften/ vnd auch C. Julij Cefaris/ dauon anzeyg gethan/ So hab ich derfelben beyder leben/ vnd auch deren die ihnen Plutarchus von den theurften Griechen vergleicht/ als nemlich/ Alexander des groffen/ Pyrrhi/ deßgleichen auch Demetriij/ M. Antonij/ Photionis vnnnd Catonis/ der theurifteu Griechen vnd Rōmer leben vnd gefchicht/ in diß volgend teutfch vnd truck bracht/ die minder nutzlich/ dann luftig find zůlefen/ vmb willen das E. G. vnd aller meiner gnedigen herrn vonn Zymbern Vralt/ adenlichs vñ ritterlichs herkuñen/ menigklich kund vnd offenbar wird/ die ich hiemit vereeret vnd gebeten haben will/ folchs mit angebornem gnedigen gemüt anzünemen/ vnd mit allzeyt zů gepieten haben. Datum Colmar den leften tag Maij. Anno 7c. M. D. XXXiij.

Ewer gnaden

vndertheniger

Jeronymus Boner Schultheiß zů Colmar.